

Broj: 01-01.3- 10691/21 AK
Datum: 14.09.2021. godine

Na osnovu čl. 17. stav (1), 18. stav (1) i 24. stav (1) tačka a) Zakona o javnim nabavkama („Službeni glasnik BiH“, broj: 39/14) i člana 2. Pravilnika o javnim nabavkama JP Autoceste FBiH d.o.o. Mostar br.: NO 1.01-724-11/15 od 24.02.2015. godine i NO 1.01-3309-3/19 od 26.07.2019. godine, te Odluke uprave preduzeća broj: 01-10478-1/21 od 07.09.2021. godine, v.d. direktora Javnog preduzeća Autoceste Federacije Bosne i Hercegovine društvo sa ograničenom odgovornošću Mostar, donosi:

ODLUKU

o pokretanju pregovaračkog postupka bez objave obavještenja o nabavci

1. Za potrebe ugovornog organa JP Autoceste FBiH d.o.o. Mostar pokreće se postupak nabavke radova: „Dodatni radovi na sanaciji mosta M06, lijeva strana autoceste, dionice Podlugovi - Jošanica“ putem pregovaračkog postupka bez objave obavještenja o nabavci, sa kriterijem „najniža cijena“.
2. Procijenjena vrijednost nabavke iznosi 195.171,08 KM bez uračunatog PDV-a.
3. Sredstva za ovu namjenu utvrđena su u skladu sa Planom poslovanja JP Autoceste FBiH d.o.o. Mostar za 2021. godinu – redni broj iz Plana javnih nabavki: 265.
4. Pregovarački postupak bez objave obavještenja o nabavci će se voditi sa izvođačem radova JV HERING - SIKRA, sa kojim je zaključen osnovni ugovor za izvođenje radova: „Sanacija mosta M06, lijeva strana autoceste, dionice Podlugovi - Jošanica“.
5. Služba za javne nabavke će pripremiti svu potrebnu dokumentaciju za provođenje postupka dodjele ugovora putem pregovaračkog postupka bez objave obavještenja, u skladu sa odredbama Zakona o javnim nabavkama – u daljem tekstu: Zakon.
6. Provođenje predmetne nabavke izvršit će Komisija za nabavke formirana od tri (3) člana u skladu sa Pravilnikom o uspostavljanju i radu komisije za nabavke („Službeni glasnik BiH“, broj: 103/14).
7. Komisija za nabavke će izvršiti pregled zahtjeva za učešće, otvaranje ponuda, provesti pregovore, pregledati i ocjeniti ponude, te dati preporuku direktoru za donošenje odluke o izboru najpovoljnijeg ponuđača ili odluke o poništenju postupka.
8. Ova Odluka stupa na snagu danom donošenja.

Obrazloženje

Javno preduzeće Autoceste Federacije Bosne i Hercegovine društvo sa ograničenom odgovornošću Mostar ima zaključen ugovor za izvođenje radova: „Sanacija mosta M06, lijeva strana autoceste, dionice Podlugovi – Jošanica“, broj JPAC 1280-B124-21, sa izvođačem JV HERING – SIKRA, a koji je zaključen nakon 6 (šest) neuspjelih pokušaja provođenja procedure za predmetnom nabavkom.

S obzirom na to da je od izrade Glavnog projekta sanacije do početka radova protekao period od 7 (sedam) godina projektovane prelazne naprave više ne ispunjavaju postojeće standarde, odnosno dilatacione naprave nisu odgovarajuće, tj. nemaju potrebne karakteristike u smislu pomaka ± 60 mm prema osnovnom projektu. Naime, prema osnovnom ugovoru je



predviđena ugradnja dilatacije PA90, čiji je pomak po širenju 60 mm, a po skupljanju 30mm, što je manje od zahtjevanog pomjeranja od ± 60 mm u oba pravca.

Nadalje, u toku izvođenja radova na terenu, došlo se do saznanja da je destrukcija materijala na mostovskoj konstrukciji u proteklih 7 (sedam) godina znatno veća od očekivane, te da se pojavila potreba za dodatnim količinama pojedinih stavki iz predmetnog ugovora, a kako su nepredviđeni radovi rezervisani za pokrivanje razlike u cijenama starih i novih prelaznih naprava nije moguće odobriti dodatne količine zbog nedostatka finansijskih sredstava u osnovnom ugovoru.

Shodno naprijed navedenom, neophodno je izvesti dodatne radove što obuhvata nove prelazne naprave i oslonce koji nisu predviđeni osnovnim ugovorom, a koji su neophodni za izvršenje radova.

Rješenje nastale situacije moguće je primjenom člana 24. stav (1) tačka a) Zakona koji propisuje da se ugovor o javnoj nabavci radova može se zaključiti u pregovaračkom postupku bez objave obavještenja „u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili u prvobitno zaključeni ugovor, ali koji usljed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu tehnički ili ekonomske, odvojiti od osnovnog ugovora bez većih nepogodnosti za ugovorni organ. Takav ugovor može se zaključiti s dobavljačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći 20% od vrijednosti osnovnog ugovora.“

Procijenjena vrijednost dodatnih radova iznosi 195.171,08 KM, bez uračunatog PDV-a.

Na osnovu naprijed iznesenih činjenica, ispunjeni su Zakonom propisani posebni uslovi za primjenu pregovaračkog postupka bez objave obavještenja za nabavku dodatnih radova na sanaciji mosta M06, lijeva strana autoceste, dionice Podlugovi - Jošanica sa izvođačem radova JV HERING - SIKRA, sa kojim je potpisan osnovni ugovor.

Shodno navedenom odlučeno je kao u dispozitivu ove Odluke.

v.d. Direktora:

Elmedin Voloder, dipl.ing.građ.



12